

Recordamini, carissimi fratres, nobilissimos principii vestri patres et parentes, 793—804
qui vos genuerunt in Christo, et nobilissimos magistros, quos habuistis in vestrae ger-
manitatis congregatione. Horum doctrinis inhaerentes et horum exemplis viventes et
horum statuta sequentes, illorum certissime consociati beatitudine in futuro saeculo
5 eritis. Benedictus locus a Deo, qui tales meruit habere doctores; et benedicti, qui in
eo loco illorum praecepta custodire satagunt.

Quid servis Dei, qui monachicae vitae voto se constrinxerunt, inanis vestimen-
torum pompa, quae nec saecularibus prodest et multum Deo servientibus obest? Quid
conviviorum frequentia, quae animam a religione melioris vitae avertere^a solet? Quanta
10 mala generet ebrietas, nemo est qui nesciat, qui curam suae animae habere contendit.
Seniores adulescentulos bonis erudiant^b exemplis. Et pater, qui praeest, se sciat
rationem redditurum de ovibus, quas recipit regendas. Unusquisque se ipsum con-
sideret, et quomodo Deo placeat, quomodo salutem^c animae suae operetur? Sed vos
specialiter, carissimi fratres, in servitio Dei permanere decet et in lectionis studio
15 proficere, propter optimos parentes et praeclaros^d magistros vestros. Quid vero libro-
rum copia prodest, si non erunt legentes in eis et intellegentes eos? Quid laus paren-
tum^e proficit, si sectatores illorum non erunt praeceptorum post eos?

Vos vero filii estis sanctorum, vos nobile^f genus et regale sacerdotium, in eccle- 1. Petr. 2, 9.
sia Christi nutriti. Nobilitatem vestram bonis moribus ostendite, quatenus plurimi
20 vestris bonis exemplis erudiantur et, qui vos foris videat, a vobis discat, quomodo
vivere debeat. Nam ex paucorum conversatione ab his, qui foris sunt, saepe illorum
vita, qui intus sunt, nominatur. Dicit enim apostolus: 'Quamdiu sum apostolus gen- Rom. 11, 13.
tium, ministerium meum honorificabo'. Sic debet unusquisque suam personam vel
suum propositum relegiosis ornare moribus, ut laudem cum hominibus habeat et vitam
25 aeternam cum sanctis accipere mereatur.

Pro nobis intercedentem beatitudinem vestram Deus omnipotens custodiat et in
omni bono proficere faciat, fratres carissimi.

287.

*Alcvinus monachos Anglosaxonicos coenobii Mugensis in Hibernia siti ad perseveran-
tiam et officia persequenda cohortatur.* 793—804.

30 Codd. A 1 fol. 42'—44, A 1* p. 47—48 nr. 33^a.
Ed. J 276.

DILECTISSIMIS IN CHRISTO PATRIBUS MUGENSIS ECCLESIAE¹ HUMILIS LEVITA
ALCHVINUS^b SALUTEM.

Valde vestrae semper cupidus karitatis, quam saepius, dum in patria² remansi,
35 per fratres vestros ad nos venientes deprecari curavi, quam etiam nunc quoque
litteris meis flagitare studeo; magnum mihi aestimans apud Deum esse solatium, si
vestris me adjuvare dignemini precibus; sciens peregrinationem^c sanctitatis vestrae
multum valere posse apud pietatem Christi dei. Qui vos longa prosperitate con-
servare dignetur et ad perpetuam sanctorum pervenire gloriam concedat; pro cuius

40 ^a) avertere H. ^b) erudiantur H. ^c) sal H. ^d) praeclaros (pclaros) scripsit J. pro paucos H.
^e) parentem H. ^f) nobili H.

287. ^a) Lemma: Epistola Albini magistri ad patres Mugensis ecclesiae (ecclesiae A 1*)
A 1. ^b) Alcuinus A 1*. ^c) deprecationem scripsit J.

1) De hoc Anglosaxonum coenobio in Hibernia sito v. supra p. 28 n. 1. 2) in Anglia.